

之國不為野蠻且謂滅無政教之野蠻為救民水火故十年前吾幸無事者泰西專以分非洲為事耳今非洲
 割訖三年來泰西專以分中國為說報章論議公託義聲其分割之圖傳徧大地壁畫詳明絕無隱諱此尚虛聲
 請言實踐俄德法何事而訂密約英日何事而訂深交土希之役諸國何以借兵力而不用戰艦之數諸國何以
 競厚兵而相持號於眾曰保歐洲太平則其移毒於亞洲可知文其言曰保教保商則其垂涎於地利可想英國
 太晤士為其政府之報其論諸國膠事處置中國極其得宜贊美不絕於口并謂諸國應以法警猶地雷四
 伏藥線交通一處火燃四面皆應膠警乃其借端德國固其嗜矢耳二萬萬華地之四萬萬秀淑之民諸國既
 耽染願已久慢藏誨盜陳之交衛主者屢經槍掠高以不醒守者袖手熟視若病骨狂睡手可得俯拾即是如蟻
 慕羶聞風并至失鹿共逐撫掌呼其始壯夫動其食指其後老稚亦分杯羹諸國咸來并思一嚮昔者安南之
 役十年乃有東事割臺之後兩載遂有膠州中間東三省龍州之鐵路滇粵之礦土司野人山之邊疆尚不計矣
 自爾之後赴機愈急蓄事益繁事變之來日迫一日教堂遍地無刻不可起釁礦產遍地無處不可要求骨肉有
 限利削無已且鐵路與人南北之咽喉已絕疆臣斥逐用之大權亦失浸假如埃及之管其戶部如土耳其國
 之柄其國政樞垣總署彼皆可派其國人公卿督撫彼且將至制其死命鞭答親貴奴隸重臣囚奴士夫蹂踐民
 庶甚則如土耳其之幽廢國主如高麗之禍及君后及甚則如安南之盡取其土地人民而存其虛號波蘭之宰
 割均分而舉其國土馬達加斯加以挑水起釁而國滅安南以爭道致命而社墟蟻穴潰堤岬不在大職恐自爾
 之後 皇上與諸臣雖欲苟安且夕歌舞湖山而不可得矣且恐 皇上與諸臣求為長安布衣而不可得
 矣後此數年中智以下逆料而知必無解免然其他事職猶可先言之若變辱非常則不惟輟簡而不忍著諸篇
 抑且泣血而不能出諸口處小朝廷而求活則胡銓所羞待焚京邑而憂惶則董遇所鄙此則職中夜屑涕仰天
 痛哭而不能已於言者也夫謂 皇上無發憤之心諸臣無憂國之意坐以待斃豈不自然伏觀 皇上
 發憤之心昭於日月密勿重臣及六曹九列之賢士大夫憂國之誠瀝瀝黑血亦且暴著於人顧日言自強而弱
 日甚日思防亂而亂日深者何哉蓋南轅而北轍永無稅駕之時緣木而求魚決無得魚之日職請質言其病并
 粗舉治病之方仲虺之誥曰兼弱攻昧取亂侮亡吾既自居於弱昧安能禁人之兼攻吾既日即於亂亡安能怨
 人之取侮不知病所而方藥難投不知變症而舊方猶守其加危篤固也職請以仲虺之說明之歐洲大國歲入
 數千萬萬練兵數百萬鐵船數百艘新器新器歲出數千新法新書歲出數萬農工商兵士皆專學婦女童孺人

盡知書而吾歲入七千萬償款乃二萬萬則財弱練兵鐵艦無一則兵弱無新器新器之出則弱弱兵不識字士
 不知兵商無學農無術則民智弱人皆偷安士無俠氣則民心弱以當東西十餘新造之強鄰其必不能禁其兼
 者勢也此仲虺兼弱之說可畏也大地八十萬中國有一列國五十餘中國居其一地球之通自明末輪路之
 盛自嘉道皆百年前後之新事四千年未有之變局也列國競進水漲堤高比較等差臺臺難隱故管子曰國之
 存亡鄰國有焉衆治而已獨亂國非其國也衆合而已獨孤國非其國也頗聞中華諸臣承平台閣之習襲簿
 書期會之常猶復以尊王攘夷施之敵國拘文牽例以應外人屢開笑資為人口實譬凌寒而衣絺綌當涉川而
 策高車納侮招尤莫此為甚成同之時既以昧不知變而屢挫矣法日之事又以昧不知變而有今日矣 皇
 上堂陛尊崇與臣民隔絕恭親王以藩邸議政亦與士大夫不親吾有四萬萬人民而執政行權能通於上者不
 過公卿台諫督撫百人而已自餘百億萬數無由上達等於無有而公卿台諫督撫皆循資格而致既已裹足未
 出外國遊歷又以貴倨未近通人講求至西政新書多出近歲諸臣類皆咸同舊學當時未有年耄精衰政事叢
 雜未暇更新考求或竟不知萬國情狀其蔽於耳目狃於舊說以同自證以習自安故賢者心思智慮無非一統
 之舊說愚者驕倨自喜實便其尸位之私圖有以分裂之說來告者傲然不信也有以侵權之謀密聞者夢然不
 察也語新法之可以與利則瞠目而詰難語變政之可以自強則掩耳而走避老吏舞文稱歷朝之成法悚然聽
 之者蓋十而六七矣汗濡帖括誦正學之昌言雖然從之者又十而八九矣無一事能究其本原無一法能窮其
 利弊即蠶從珠國皆失目而各國游歷之人傳教之士察我形勝測我盈虛言財政詳於度支之司談物產精於
 商局之冊論內政或較深於朝報陳民隱或更切於奏章舉以相質動形奢屈鄭昭宋龔一以免患一以召禍况
 各國競騫於聰明而我岸然自安其愚開將以求免不亦難乎此而望其盡掃舊弊力行新政必不可得積重難
 返良有所因夜行無燭瞎馬臨池今日大患莫大於昧故國是未定士氣不昌外交不親內治不舉所聞日孤有
 援難恃其病皆在於此用是召攻此仲虺攻昧之說可懼也自台事後天下皆知 朝廷之不可恃人無固志
 奸宄生心陳涉較耕於隴上石勒倚嘯於東門所在而有近邊尤眾伏莽遍於山澤教民遍於腹省今歲廣西全
 州瀘陽與安東蘭那地泗城電白已見告矣匪與教為仇讎教以匪為口實各連枝黨發作待時加以賄賂昏行
 暴亂於上胥役官差盛亂於下亂機遍伏即無強彝之偏揭竿斬木已可憂危况潢池盜弄之餘彼西人且將藉
 口與師為我定亂 國初載流賊而定都京邑俄人逐回匪而佔踞伊犁兵家形勢中外同揆覆車之轍可為殷

鑑此仲虺所謂取亂者可懼也有亡於一舉之割裂者各國之於非洲是也有亡於屢舉之割裂者俄德奧之於波蘭是也有盡奪其政權利權而一旦亡之者法之於安南是也有偏據其海陸形勝之地而漸次亡之者英之於印度是也歐洲數強國默操成算縱橫寰宇以取各國般艦具存覆車可驗當此主憂臣辱之日職亦何忍為傷心刺耳之談願見舉朝上下相顧嗟呀咸識淪亡不待中智憂居歎息束手待斃者老仲屋而咨嗟少壯出門而頓顛并至言路結舌顯臣低首不惟大異於甲申亦且迥殊於甲午無有結縲誓骨慷慨圖存者生機已盡暮色慘淒氣象如此可駭可憫此真自古所無之事夫至於公卿士庶偷生苟活候為歐洲之餘隸聽其犬羊之割縛哀莫大於心死病莫重於痺癆欲隕之葉不假於疾風將委之華不勞於觸手先亡已形此仲虺所謂侮亡之說尤可痛也然原中朝敢於不畏分割不憚死亡者雖出於味亦由誤於有恃焉夫欲託庇強鄰藉為救援亦必我能自立則倚角成勢彼乃輔車若我為附枝則臥榻之側豈容鼯睡齊王建終傷松柏李後主終坐牽機且泰西兵事決勝乃戰一旦敗績國可破滅俄德力均豈肯為我用兵或敗大局哉此又中智以下咸知難恃者也如以泰西分割亞洲連雞互忌氣勢甚緩突厥頻割大藩尙延殘喘波斯盡去權利猶存舊封中國幅員廣袤從容分劃緩緩支持可歷年所執政之人皆已老矣幸一身可免聽其貽禍將來然突厥之回教專篤悍強西人所畏吾則民教柔脆而枯朽波斯之國主紆尊游歷西國盡徧吾雖親王宰相閉戶而潛修分局早定民心已變瑞典使臣之奔告各國新報之張皇亞洲舊國近數年間歲有剪滅近且殆盡何不取鑑之禍起且夕畢命盡喪而謂可延年載老人可免此又掩耳盜鈴至愚自欺之術也譬巨室失火不操水呼救而幸火未至入室竊寶屋燼身焚同歸於盡而已故職竊謂諸臣即不為忠君愛國計亦當自為身謀也 皇上遠觀晉宋近考突厥上承宗廟孝事 皇太后即不為天下計獨不計及宋世簽名降表移徙五國之事耶近者諸臣泄泄言路鉅口且默窺 朝旨一切諱言及事一來相與惶惑至於主辱臣死雖粉身灰骨天下去矣何補於事不早圖內治而十數王大臣俛首於外交豈惟束手徒增恥辱而已不豫修於平時一旦臨警張皇而求請豈能彌縫徒增賠割而已故膠警之來不在今日之難於對付而在向者之不發憤自強也勢弱至此豈復能進而折衝惟定規模已耳殷憂所以啓聖外患所以興邦不勝大願伏願 皇上因膠警之變下發憤之詔先罪己以勵人心次明恥以激士氣集羣材咨問以廣 聖聽求天下上書以通下情明定國是與海內更始自茲國事付國

會議行紆專降貴延見臣庶盡革舊俗一意維新大召天下才俊議籌欵變法之方採擇萬國律例定憲法公私之分大校天下官吏賢否其疲老不才者皆令冠帶退休分遣親王大臣及俊才出洋其未遊歷外國者不得當官任政統算地產人工以籌歲計豫察閭閻得失以求進步改良罷去舊例以濟時宜大借洋款以舉庶政若 詔旨一下天下雷動士氣奮躍海內鑿鑿然後破格以勵人材厚俸祿以養廉恥停捐納汰冗員專職可以正官制變科舉廣學校譯西書以成人材縣清秩功牌以獎新藝新器之能創農政商學以為阜財富民之部改定地方新法推行保民仁政若衛生濟貧潔監獄免酷刑修道路設巡捕整市場鑄鈔幣創郵船徒貧民開礦學保民險重烟稅罷釐征以鐵路為通以兵船為護夫如是則庶政盡舉民心知戴但天下人心離散當日有意恩慰撫以圖其情志士之志氣劣弱當激以強健豪俠以壯其氣然後盡變民兵令每省三萬人而加之訓練大購鐵艦須沿海數十艘而習以海戰 詔令日下百姓維新意誠諄懇 明旨峻切但所有新政 詔書雖未推行德人聞之便當退舍但各國兵機已動會議已紛宜急派才望素重文臣辯士分遊各國結其議員自開新報之館入其與兵之會散佈論議舉動美英職以為用此對付或可緩兵然後雷厲風行力推新政三月而政體畧舉期年而規模有成海內回首外國聽聽矣 皇上發奮為雄勵精圖治於中國何有焉論者謂病入膏肓雖和緩扁鵲不能救火燃眼雖焦頭爛額不為功天運至此無可挽回况普國變法而法人禁之畢士馬克作內政而後立美國製造鑄炮而英人禁之華盛頓託草島而後成近者英人有禁止售機器於我之說俄法英欲據我海關鐵路礦務銀行練兵之權雖欲變法慮擊我之肘職竊以為不然少康以一成之旅而光復舊物華盛頓無一民尺土而保全故國况以中國二萬里之地四萬萬之民哉願視 皇上志願何如耳若 皇上赫然發憤雖未能遽轉弱而為強而倉猝可圖存於亡雖未能因敗以成功而俄頃可轉亂為治職猶有三策以待 皇上決擇焉夫今日在列大競爭之中圖保自存之策舍變法外別無他圖此談經濟者異口而同詞亦老於交涉之勞臣所百慮而莫易顧革故鼎新事有緩急因時審勢道備剛柔其條目之散見者當世之士能言之職前歲已條陳之今不敢泛舉請言其要者

補錄撫院諭勉僚屬手札續前稿

一縱役 天下鮮不擾民之差役束之有法尚難保其謹飭奉公每有怠弛州縣於此輩曾不留意或且任令門丁與之勾結表裏為姦每行一票一二人可了者動標數名又復私帶白役其多寡之數視兩造之貧富強弱為

準常有一票多至二三十人者又輒擅乘肩輿絡繹充路鄉民無知任其魚肉稍不遂欲即出鐵索繫之若繫犬豕又或宰殺雞豚調戲婦女無所不為弱者相顧側目敢怒而不敢言強者偶一抵拒則以毆差碎票同縣稟許動以會營發勇相喝喝而於真能拒捕毆差者則反無可如何莫敢過問至於倚城爲巢則私設班館私押善民可以唆喉痛徒憑空誣告執途人而納之罟獲陷阱之中而官不知也卷查光緒十八年武岡州差役陳遠因執串催糧州民陳安邦欠錢數百給以洋錢三元而猶逼勒不已宰殺雞犬致令陳安邦畏懼自盡十九年本部院在湖北臬司任內曾廉得誣良強姦之黃陂縣差役二名立寬重典見者無不稱快而黃陂令始尙執迷繼乃痛恨可見此輩伎倆足以玩弄本官察識不精約束不謹哀此屨民便抱無涯之痛而有意作威甘心袒護者更無論矣虎狼出柙以噬良儒而典守者若罔聞知其上干天和者又一也

以上四端略舉大凡不必貪殘素著之員忍心荼毒始有此害即謹厚之吏苟不勵精圖治兢兢致謹其擾害閭閻勢必至此故欲出身加民必以清慎勤爲自治治人之本三字苟乖四害立至長官可欺而受害者不可欺語云千人所指無病而死大可懼已近來吏治大抵循良貪酷二者皆不數見惟是疲玩因循官民隔闕麻木不仁之習幾同二豎膏盲民怨登積致此咎徵殆非無自本部院於政事無能爲役惟本此好善嫉惡之天良以與同人相見不務敷衍不喜逢迎當茲饑饉沴臻恭禱 世宗皇帝殊批諭旨反躬自責不敢即安願與諸同僚交相戒儆冀以感召和甘俾編氓常安耕鑿果能力除秕政加意拊循有父母斯民之實謹當奉爲圭臬並不敢壅於上 聞自蹈蔽賢之咎如其有言不信怙過遂非惟有以白簡從事爲在弱羣黎一伸久鬱不平之氣而已齋心手筆掬肺腑以敬告同僚尙其鑒諸

大局可危○昨得津友函云膠事議結後各國羣起生心俄公使於二月二十四日咨移總署聲言旅順大連灣讓與俄爲屯兵屯煤之地限五日回復過期即作爲俄地 朝廷已電授許竹筴星使全權大臣向俄外部理論並面求俄皇緩議俄皇未允法見俄如此舉動亦以三事要挾一越南鐵路通至雲南一須于以廣東廣西兩省利益一借長江口岸爲屯煤之所云云未知總署作何回復然俄法德三國聯盟實大有礙於英之商務英日此時必出力阻吾恐太平洋之間其爲各國戰場乎而中國難高枕矣

路透電音○英外部侍郎克生在議院宣言曰外間所傳中國已允英國在雲南築造鐵路一說政府尙未有確信惟雲南鐵路雖未定議其至邊界之路則急宜先造云西二月十九日

撫轅批示○庶吉士熊紳希齡等請將文告公牘隨時發湘報刊刻批○報館刊刻奏章公牘所以周知時事通曉民情使無公羊斷爛朝報之疑并免盤庚胥動浮言之懼開誠心布公道古者木鐸徇路之音蓋莫捷于此矣所請自應准予立案除未定之咨謀應密之機事未便遽行宣示外所有應行之件仰候隨時飭送該館刊刻以資考證而實見聞此覆

物名	每	實	價值	比較
銀	兩湘平		一千三百零五文	
銀圓	圓		八百八十五文	
錢票	千文		七錢六分六厘	
典錢	每串十足		捌錢二分五厘	
上白米	石		三千文	
次白米	石		二千九百文	
中米	石		二千八百文	
河東谷	石		二千八百八十文	
河西谷	石		壹千四百零八文	
灰麩	石		三千八百文	
洋麩	包		二兩六錢	
淮鹽	包		五十六文	
茶油	百勛		七兩三錢	
菜油	百勛		七兩二錢	
洋油	箱二桶		一兩九錢	
桐油	百勛		六兩二錢五分	

牛油燭	百劬	一百二十文
栗木炭	百劬	一千一百二十文
歡喜炭	百劬	六百八十文
上棉花	百劬	十六兩四錢
中棉花	百劬	十五兩六錢
下棉花	百劬	十四兩八錢
頭印折表	每塊一百四十四刀	四兩三錢
二印折表	同前	四兩
三印折表	同前	二兩七錢五分
吳庄紙	每石	三兩四錢
塊煤	石	三百六十文
烟煤	石	三百二十文
柴煤	石	二百八十文
石衡	石	二百八十文

裕源綢緞布莊

開設青石橋自運紗羅綢緞大呢羽毛時新花色洋貨
布疋照碼抄發童叟無欺擇於三月初六日升牌

長沙老照壁沈力興藥室

奉送神效喉症藥末

秘造 喉症藥末 每兩制錢八文

書洪文治戒纏足說後

瀏陽唐才常撰

唐才常曰痛哉言乎凡我含生負氣之倫見之而不隕淚者無心肝者也曩者賴陳諸君子倡為不纏足會號且泣走海上以語梁君卓如卓如應之曰仁人哉於是編會籍而為之叙引吭長鳴血淚盈簡南皮尚書又昌言弱種痔種之由憤然曰中國四萬萬人冠弱群躄顛倒曲刑廢兩禁之女子去其半祇為二萬萬人又曰幾何不剛至家家為病夫人人為侏儒盡受殊方異族之蹂躪魚肉而莫之校余嘗反覆南皮新會之言覺覺在疚恍若有亡視天無色日月為愁於是凡廉纖弱足之構於吾目者不啻吾之繫之縛之刑之刑之狂獄之輒自誓曰及吾身而不強聒天下回茲浩劫則且生生世世永墮地獄不復與六根六塵伍矣今觀洪君所言新婦以假履為也者而不強聒天下回茲浩劫則且生生世世永墮地獄不復與六根六塵伍矣今觀洪君所言新婦以假履為密客姍笑遂闔門自經又新婦足形不直其姑束之以竹婦乃仰藥而死又村婦以纏足故毆殺童養媳皆親得之見聞才常因憶五年前鄰有鄧姓者其女甫五歲白皙而豐人或語之纏足事則啜然泣其母亦憂之然慮其長成擇婿難遂強之纏其行乃趨起不夜或微且與余勸其亟釋弗應余適他徙越一年視之則奄然死矣羅君召甘者余亦角交也每言及纏足事則痛心疾首切齒咬牙若有所重費者詢之則其女許字長沙某氏欲勿纏足而某氏弗允卒以致疾死嗟夫以洪君所見如彼才常所見如此則其他之纏而疾疾而死者而以謂彼命數使然而無人推究其由者何可勝道夫即不疾不死而延弱併鮮顛倒曲行廢幽禁之餘其無生人之樂也久矣方足之初纏也必用新布緊束之其著鞋或用敲火石之小鐵刀撬上痛必徹骨不三日必潰而成瘡不瘡則脚不能成瘡極敗爛其肉盡化紅膿流出而後血枯筋斷脛折皮燥足底乃折作兩灣形其兩足旁凸之骨名曰髁子髁最為纏足時害必畢力削成之如筭直而足乃纖小可世俗意故婦人恒撫髁太息曰此不知裂腸幾許揮淚幾許也至今思之猶骨顛心悸耳詩曰先祖匪人胡寧忍予又曰哀今之人胡為虺蜴悲哉天同覆地同載肢同四官同五而生人之樂獨不得而同之吾之生也幸而男子不過數十寒暑耳儻此數十寒暑中肢體少麻瘠手足少痿痺即恨恨曰此數十寒暑為也彼女子則自五六歲以來已天纏日晦無復生人之氣天下古今之至不平者孰有過於此又况世亂兵燹之禍以荒顛沛之秋更有不忍言不忍聞者哉而或者曰子言誠是如不雅觀何曰忍哉既非花鳥又非娼妓何故作此不情之飾以求恣心日假天下皆不纏足忽有一娼停妖媚者出其間必且以狐狸駭之是丹非素安知不是素而非丹且如以此為雅觀則我二萬萬男子胡弗跋躅

傾側搖風曳影供人玩弄矣或者曰男女有別禮之善經如子言則踰閑蕩檢者多矣曰謬哉男女之貞淫邪正教化之有無為之甯在人身之強弱矣才常濶人也濶東界義甯其間分土客二籍土籍以客籍弗纏足羞與連姻然客籍閨門極肅雖貧不失禮土籍庸未之逮也且曾見窮鄉僻野勤苦之赤足婦皆淫奔而媚寮妓館之織益求織者為貞節乎且夫道關於時理湮於運橫盡六合豈盡古今凡吾輾轉桎梏二千餘年愚民之術未之覺焉無責耳矣若明使團毛離裏之倫併身刑戮而習焉忘之是不智也孺子入井怵惕於心吾子若女折枝斷筋夷然弗之恤是不仁也 天朝禁令煌煌耳目而弁髦之是不忠也身體髮膚受之父母弗敢毀傷獨甘戕先人之遺種以為美觀是不孝也海內士夫號咷痛哭而猶觀望周章坐蹈後時之罪是不義也斯種之刃到腹及腸凡百新政日不暇給此最能自主之權又奏功易易者反瞻目視之是不勇也不智不仁不忠不孝不義不勇清夜捫心宙合中烏容有是人矣凡我同人務矢宏願平支那之冷氣機將盡之劫灰拯切膚之隱痛社亡種之奇殃其視造七級浮屠階梯眾生者程功速而積德宏也輒傾心瀝血奮筆疾書補洪君所未盡云

諭旨補錄

正月二十六日奉 上諭胡燏棻奏酌改武科章程請於各省府廳州縣分設學堂教習等語著軍機大臣會同兵部議入榮祿等前奏內一併議奏欽此同日奉 上諭胡燏棻奏請就各省現有兵餉精練陸軍一摺方今時局艱難自以練兵為第一要義各省防練各營近來積習如兵額尅扣攤派等弊不勝枚舉若不嚴行禁革訓練必不能精營務安有起色至操演之法不宜拘守成格應如何變通盡利之處著軍機大臣會同督辦軍務王大臣妥議具奏另片奏神機營改用新式鎗炮各節著一併議奏欽此同日奉 上諭侍講韓毓英奏經濟特科宜議登進之途一摺國家登進人材必須言行相符而後可取實效況經濟一科係屬特設內外臣工尤當仰體破格旁求之意不得以有才無行之人濫登薦牘至該侍講所請仿照從前觀政之例以試其能等語著總理各國事務衙門參酌情形奏明辦理欽此○正月二十九日奉 上諭戶部奏恭親王報効庫平銀二萬兩不敢作為借款亦不仰邀議叙等語恭親王懿親重臣因國用不足捐備巨款用意正大洵足矜式百僚其忠款之忱朕心尤深嘉許惟現在甫議開辦昭信股票一切章程尚未奏定恭親王首先報効宜將此款歸入戶部股票一律辦理庶幾天下嚮風繳銀領票更於大局多所裨益該部即遵議行欽此同日奉 上諭御史胡學宸奏經濟歲科生監請嚴定錄送章程等語著禮部議奏欽此

撫院告示

頭品頂戴兵部侍郎兼都察院右副都御史巡撫湖南等處地方節制鎮協提督軍務兼理糧餉陳 為曉諭事光緒二十四年正月十四日電傳邸鈔正月十四日奉 上諭戶部奏遵議右中允黃思永奏籌借華款請造股票一摺據稱該中允原摺所陳詳細參酌擬由部庫印造股票一百萬張名曰昭信股票發中外週年以五釐行息期以二十年本利完訖平時股票准其轉相售賣每屆還期准抵地丁鹽課在京自王公以下在外自將軍督撫以下無論大小文武候補候選現任官員等領票繳銀以為商民之倡其地方商民願借者即責成順天府府尹及各直省將軍督撫將部定章程先行出示並派員勸諭論不准稍有勒索派辦之員能借巨款者分別優予獎叙各等語著依議行當此需款孔亟該王公以及內外臣工等均受 朝廷厚恩即各省紳商士民亦當深明大義共濟時艱况該部所議章程既不責以報効亦不勒令捐輸一律按本計息分期歸還諒不致遲回觀望也將此通諭知之欽此又先後接准 戶部電開議覆黃思永奏籌借華款一摺已奉諭旨先行印造部票一百萬張名曰昭信股票發中外每張庫平銀一百兩銀元亦准折合抵交週年五釐行息二十年本利還清除飛咨各省並續發部票外務將籌借辦法及官員出借銀數先行報部又電開昭信股票造成需時有繳款者應由布政司先付用印實收俟股票發再行換給又電開昭信股票廿年為期每票前十年各付利息銀五兩第十一年並認還本銀十兩次年遞減息銀五錢二十年還清各等因准此我 國家 聖聖相承愛 養黎元靡所不至常年租賦徵收務予從輕水旱偏災賑恤惟期加厚民力稍有不逮一經 入告無不立霽 恩施此普海臣民自先世宗祖以來二百數十年至於今日所身受者也近年時事日益艱難庫款萬分支細司農仰屋計吏拮据羣僚反覆籌思至不得已而為息借之舉凡我官紳商民具有天良豈無血性苟為力所能及即使毀家紓難亦分義所應然况 朝廷體恤周詳既不欲責以報効亦不肯勒令捐輸僅止貸用數年仍予按本給息分期歸還至十年已得其半二十年本息一律全完此在富厚之家尋常放款發商生息尚恐不能有此既於生計無損又有急公之名且奉刊發股票名曰昭信俾眾咸知更可無復疑慮湘人素懷忠義觀此 綸音下賁應為感激涕零竭力從事除行布按二司會同善後總局等悉心辦理外合行遵 旨出示曉諭為此示仰通省紳商富戶人等一體遵照毋違特示 撫院批示○職員蔡以謙等聯名二百餘人稟懇迅飭開辦保衛局事務批○保甲本向來善政相沿既久

遂成其文省城戶口繁密五方雜處稽察尤難該職商等所稱盜賊痞徒商民多為所累等語均屬實在情形苟非改絃更張不足以資整飭是以擬將省城保甲局改為保衛總局飭司會同諸紳另議章程呈候核辦其各屬及長善鄉間保甲冊籍仍併歸該總局查核業經本部院札委該署臬司悉心籌畫俟回鹽法長寶道任後政務較簡責成總辦併已刊刻關防給領開用各在案現今在事官紳所見會同偶有論議係屬互相參考斟酌損益期於折衷至當立法之始不厭求詳併無中止之說抑正求經久可行期此後不至有中止之事該職商等身親閱關情形為所深知據稟詞意懇切自係為利害切身起見候飭催該總局迅速籌辦就緒日舉行可也着即知照此批

補錄撫院通飭各州縣札

頭品頂戴兵部侍郎兼都察院右副都御史湖南巡撫部院陳 為通飭嚴禁事本部院訪聞各州縣監卡情形不一牧令苟不勤明即為監卒看役機為利藪無惡不作每遇新收一人始則置之瀾穢之所勒索規錢倘不遂欲則以溺桶掛頸令其背負而縱人便溺其中又不得則漸加以非刑將其人縛置樑上拷其手足於其中貫以直木使不得絲毫轉動或以繩繫其一手一足大指懸之墻壁間謂之甲半邊猶自非強健堅忍之人應至一兩時無不俯伏聽命至於捕役等因竊劫重案追比嚴急或以乞丐逼承小竊或以小竊逼承劫盜其非刑更有數倍於此者或繩縛其兩手足大指以繩端繫著空中橫木謂之扳臂反縛而懸之使以面向地謂之倒扳臂甚則加磚石於背而推疊之此外尚有煙薰火炙刺刺痛罵雞打地雷等種種名目使人欲脫不能求死不得任所欲為無不如命慘酷之情令人耳不忍聞口不忍道即此一端已足干天地之和激鬼神之怒而在外私押私拷尚不止此在賢能牧令勵精圖治固不至有此事然既儼然民上縱屬中材度未有明知之而故縱之者特以疲玩性成習焉不察民生疾苦絕不介其意中既終年不一查監卡又不能慎擇家丁為之管理故要犯可以賄逃良懦轉多瘦斃尋常詞訟動于管押名曰交差實則不殊地獄試為設身處地何以能堪更為子若孫設身處地何以能堪本部院於斯民有休戚之關於察屬有規勸之義不避惡特為大聲疾呼以期省悟合行札飭為此札仰各該州縣除前札修省易犯四條外務於監卡一事加意查察或一兩日或三四日無論早夜親至監卡查問一次役卒偶有弊端即行懲革尤必慎察心地樸謹家丁責成管理日夜巡邏將坐臥地板打掃潔淨時其飲食醫藥嚴禁凌虐毋令不死於法而死於若輩之手於此心既可帖然於子孫必無慘報一行作吏何忍造

此無形之孽度不以吾言為妄也如仍漫不知警任聽禁卒看役人等有如以上各種凌虐情事一經發覺定將該役卒及串通一氣家丁比照強盜拷掠人財物例 奏明就地正法本官參革永不叙用本部院天良未泯嫉惡如仇斷不為此輩稍從寬貸也更有一言奉告身任地方如自揣不能約束丁役革除此等弊端即可知難而退免為兒孫造孽並免名挂彈章懷之幸之切切此札

楊葵園大令南學會第二次講義

人在地球之上但見日月星辰環繞地球而不知地球實環繞日輪因日體甚大西人測其體積較地球大一百四十萬倍體大則攝力大所以能攝地球隨之圍繞而不散失所謂攝力者譬如裝水一盆投輕小之物於其中久必飄流至邊而止且將邊邊之時其行必速於離遠之時此即相攝之理也然但有攝力則日與地球久之必將合而為一故當知其尚有離心力何謂離心力譬如用一木桿插於平地上繫一繩繩之下端繫一木球其球定倚木桿若用力旋轉球必離桿而旋此即所謂離心力也有此離心力與攝力相持地球方能循其軌道而不改變然日所攝而環繞者不止地球最近者為水星八十八日繞一週其次為金星二百二十四日繞一週三則為地三百六十五日繞一週月輪又環繞地球二十七日一週隨地而行者也何以知地在第三層因金水二星每於朝暮見之高而復落永無夜半行過天頂之時且遠鏡窺之儼如新月或如十二三日之月之式不同他星之得見全體是以知其軌道在地球之外第四為火星六百八十七日繞日一週有二小月一如地球之月隨之圍繞從前天文家不知有此二月十年前美洲天文家用最大透光鏡窺測而得登諸新交報中所以古書無之也五為木星約十二年繞日一週有四小月六為土星約二十九日繞日一週有八小月七為天王星八十四年繞日一週有四小月五十年前第知以上七星為環繞日輪之行星後法人因推天王星運行遲速不能合理想其外必有一大行星互相吸引依法推算地位函致普國天文臺如法窺測果見一星光色不同次夜復窺則本度移動知其實為行星遂以海王名之算其運行百六十四年繞日一週且有一小月隨之是為第八行星木火之間尚有微小行星甚多西人測定命名者已有一百餘矣凡此各星皆循精圖軌道圍繞日輪循環不已此外所見者為恆星每日西行一度一年一週天其距地更遠矣

衡州府開辦任學會章程

一本會宗旨立志在宏毅以能力任艱鉅為主

二本會先從衡州開辦海內同志願與樂成分立斯會者本會即視同一會必不以方城歧視如泰西教會紅十字會諸例

三本會具此大志必須自練學問物色英才學仿孔門四科曰德行曰言語曰政事曰文學凡此四科能精一藝即於本會有光惟其人志不宏毅識不堅凝遇事作騎牆之見者未便接引入會

四本會定於戊戌年內設立報章以載新政新聞及會中人議論期與海內諸君子互相切劘另有報章章程

五本會每年開大會一次兩月小會一次另有章程

六本會俟捐款充足後須設立學堂選年少美材入堂分門教授如會中董友願入學堂肄業本會尤所欽佩但入學堂以後即依學問為等次

七本會須攷究各國政事開拓能力俟經費擴充擬派人游歷海外攷察各國天文地輿政治商務學校並須厚與資斧恣其交接以聯絡外人

八本會設立書會刻時務叢書賤價售賣其有新編之書為本會獨有者不得翻刻如有冒刻會中書籍者立刻將該板追繳送辦

九擬設格致書室一所以開民智任人觀看但取薄費

十本會所辦各事必須廣集經費今定入會者除所捐創辦經費外每人須給費冊二元歲捐銀二元

十一本會所擬各事應俟經費擴充逐條辦理

十二凡入會者另給各款條例一本憑單一紙概不取費

十三凡會中書籍器物皆為總理管理不得乾沒入己即各會友私物亦須流通觀覽使有一臺駟吝之心僅為本會所不取

十四本會草創章程未臻美備尚期海內諸君子貽書匡誨本會不勝翹企之至

任學會董 陳為鑑 蕭邦恆 楊 燦 蕭邦懌 同啓

火藥轟斃人命○前月二十八日大西門外有經武營勇丁負火藥數桶經過鐵店門首桶忽墜地適有極鐵之火星飛入遂致轟炸將一小孩衝上半空血肉淋漓而死旁近者亦受害傷九人已斃七人矣

考試學生○本月初一日有帥札委黃廉訪在南學會局試第二次投攷時務學堂學生共一百五十名其題目分為兩等年稍長者題○黃老之學最為誤國試申論之○孟子惡卿願論○年幼者題○問南學會開會是何意思有何益處○管子弟子職書後○聞此次取錄至覆試後亦分為三等一等調入時務學堂肄業一等調送東洋大同學校一等調送北洋二等學堂其餘年稍長而可造就者則調為外課生云

物名	每	實	價值	比較
銀	兩	湘平	一千三百零六文	
銀圓	圓		八百九十文	
錢票	千文		七錢六分四厘	
典錢	每串	十足	捌錢一分九厘	
上白米	石		三千文	
次白米	石		二千九百文	
中米	石		二千八百文	
河東谷	石		二千八百八十文	
河西谷	石		壹千四百零八文	
灰麪	石		三百八十八文	
洋麪	包		二兩六錢	
淮鹽	包		五十六文	
茶油	百勛		七兩三錢	
菜油	百勛		七兩六錢	
桐油	箱	二桶	一兩九錢	
桐油	百勛		六兩二錢五分	

牛油燭	勛	一百二十文
栗木炭	百勛	一千一百二十文
歡喜炭	百勛	六百八十文
上棉花	百勛	十六兩四錢
中棉花	百勛	十五兩六錢
下棉花	百勛	十四兩八錢
頭印折表	每塊一百四十四刀	四兩三錢
二印折表	同前	四兩
三印折表	同前	二兩七錢五分
吳庄紙	每石	三兩四錢
塊煤	石	三百六十文
烟煤	石	三百二十文
柴煤	石	二百六十文
石衛料	石	二百六十文

裕源綢緞布莊

開設青石橋自運紗羅綢緞大呢羽毛時新花色洋貨
布疋照碼抄發童叟無欺擇於三月初六日升牌

長沙老照壁沈力興藥室

奉送神效喉痛藥末

秘造 喉痛丸 每兩制錢百文

悲孔上

異哉環球六萬六千萬方里縮若邱垤保蟲千五百餘兆聯為族類匪有一大力攝乎其際奚克臻此烏呼豈不以教乎哉教萬也而宗旨則一也者以仁為量者也未有教而不仁者未有教而可亡其仁者悲夫吾素王之仁含宏萬宗稍貫一旨其漸滅殆盡僅餘一綫也久矣後來憂患靡不思有以昌明之流傳之卒乃外孔教若四民則仰若帝天貌孔教若賤儒則居為奇貨親孔教若官吏則拜同木偶厥號愈尊厥道愈遠厥門愈峻厥學愈濶村落之儒有終身未睹宮牆者城市之儒有畢歲未履樊舍者文武員弁遵例釋菜有目不識丁行同盜賊者左右膠庠隨班助祭有譏笑自若瞠目爭睜者其或窮搜糟粕精研性命縱橫治逸沈瘁迷離藻飾江山角觸門戶如醉醇酒如酣甜此為最上則亦不過如是而已而他無所問悲夫悲夫止於此乎越此以往每下愈況弱矣厥息與否衰矣厥亡與否則豈來保所忍言泰西羅馬舊教路得新教自農工商兵婦女皆禮拜宣講無男女皆膝沐誦經無舟車出處視之如父兄服之如飲食對之如生人以較吾所謂祭酒舉正聖臣學官者何如莫不尊親空傳教政府維持頂放踵無管徹舌遍衍星球駭入骨髓以較吾所謂祭酒舉正聖臣學官者何如莫不尊親空言徒託斯焉垂絕朝不慮夕潰隄之勢成爲蛇之患亟洋洋皇皇酬酢婦孺不懼乎大經之火將蕪兩廡之棟將頽青衿之子將逃四維之天將缺半教之國三等之蠻不容有此典言及此能無痛哭願絳有言國家興亡匹夫有責然則師統之繫可任其自消自歇歟不爲所乎此皆妄自塞隘抑塞同仁東其旨而縛而宗者階之先師之罪人也虎兕出柙龜玉毀楨此言甚長嗚咽難勝拂袖掩面啜泣而已悲夫悲夫

悲孔下

竊西人之迂儒孔子也祇付之於口舌今之異教孔子也則累登諸報章四萬萬人甯不聞乎聖人之居改隸德版政治一切歸德主特宮殿陵寢會見荆棘四萬萬人甯不聞乎耶路撒冷耶穌之鄉土人踞後十字軍與其徒十九人千回百折卒恢故土四萬萬人甯不聞乎語云哀莫大於心死而身死次之余以爲哀莫大於教亡而國亡次之以吾黃神之後乃臣僕於亞當素王之尊難平等於猶太歷有年所悠悠忽忽至於今日以後其將爲非洲之赫羅族人不得言矣悲夫吾思基督之教新舊約之經靈魂永生之宗旨上帝仁愛之徵言即不出吾教之中必不在吾教之上何以壓制支那一至於此豈不以教皇之尊貴教士之勳懋政府之保護教士起誓而吾之衍聖公若此學者若此學臣學官若此農工商兵婦女皆若此下至奴隸與臺蠻戶樂籍不敢讀書者

武陵何來保護